

Vetëmbrojte email kundër survejimit

Survejsimi masiv dhuron të drejtat tona themelore dhe është kërcënim për lirinë e fjalës!

Por: mund të mbrojmë vetveten.



Problemi

Fjalëkalimi që mbron email-in tuaj s'është i mjaftueshëm për mbrojtjen e mesazheve tuaja nga teknologjitë e survejimit në masë të përdorura nga shërbimet sekrete.

Çdo email i dërguar përmes internetit kalon nëpër shumë sisteme kompjuterikë, gjatë rrugës së tij drejt vendmbërritjes. Shërbimet sekrete dhe agjencitë e survejimit përfitojnë prej kësaj për të lexuar miliona e miliona email-e çdo ditë.

Edhe nëse mendoni se s'keni asgjë për të fshehur. Gjithkush me të cilin ju komunikoni me anë email-esh të pafshehtëzuar, ekspozohet po njësoj.

Fshehtëzimi

Rifitoni privatësinë duke përdor GnuPG-në! I fshehtëzon email-et tuaja para se të dërgohen, që vetëm marrësit që zgjidhni ju të mund t'i lexojnë.

GnuPG-ja është i pavarur nga platformat. Kjo do të thotë që funksionon me çfarëdo adrese email dhe xhiron thuajse në çfarëdo kompjuteri, apo telefoni celular të kohëve të fundit. GnuPG-ja është i lirë dhe pa pagesë.

Mijëra persona e përdorin tashmë GnuPG, për përdorim profesional dhe privat. Ejani dhe ju me ne! Çdo person e bën bashkësinë më të fortë dhe dëshmon se jemi gati të kundërpërgjigjemi.

Zgjidhja

Kurdo që një email i fshehtëzuar me GnuPG-në kapet ose përfundon në duar të gabuara, është i pavlerë: Pa kyçin e duhur privat nuk mund të lexohet nga ndokush. Por, për marrësin e duhur – dhe vetëm për të – hapet si email krejt i zakonshëm.

Dërguesi dhe marrësi tani janë që të dy të parrezikuar. Edhe pse disa nga email-et tuaj nuk përmbajnë ndonjë të dhënë private, përdorimi i vazhdueshëm i fshehtëzimit na mbron të gjithëve nga survejimi i papërligjur masiv.

Komunikim privat me email



Rifitoni privatësinë tuaj! Përdorni GnuPG-në!




- Software i Lirë
- për krejt adresat email
- për GNU/Linux, Windows, Mac, Android, ...
- s'ka nevojë për llogari ose regjistrim
- pa pagesë

Si funksionon GnuPG-ja

Që të përdorni fshehtëzim GnuPG, ju krijoni një çift unik "kyçesh", publik dhe privat. Këto kyçe përdoren kështu


kyç publik



fshehtëzim

Kur dikush dëshiron t'ju dërgojë një email të fshehtëzuar, atij i duhet të përdorë "kyçin tuaj publik". Ndaj, sa më tepër ta përhapni/shpërndani kyçin tuaj publik, aq më mirë. Mos u shqetësoni: Kyçi juaj publik mund të përdoret vetëm për të fshehtëzuar email-e dërguar juve, jo për çfshehtëzuar ata.

kyç privat



çfshehtëzim

"Kyçi juaj privat" është pak a shumë si kyçi i derës së shtëpisë suaj; e ruani në një vend të parrezik (dhe privat) te kompjuteri juaj. Kujdesuni që të jeni i vetmi që mund ta përdorë! Për të çfshehtëzuar dhe lexuar krejt email-et që ju dërgohen, përdoret GnuPG-ja dhe kyçi juaj privat.

Çfarë e bën të sigurt GnuPG-në?

GnuPG-ja është **Software i Lirë** dhe përdor **Standarde të Hapura**. Kjo ka rëndësi thelbësore për t'u siguruar që software-i mund të na mbrojtë vërtet nga survejimi. Sepse në software dhe formate pronësore, gjërat mund të bëhen jashtë kontrollit tonë.

Nëse askujt s'i lejohet të shohë kodin burim të një programi, askush s'mund të jetë i sigurt se programi s'përmban copëza të padëshirueshme spiunimi – të ashtuquajturat "deriçka". Po qe se nuk kuptohet se si funksionon software-i, mund t'i zëmë besë vetëm qorrazi. Përkundrazi, një kusht themelor i Software-it të Lirë është publikimi i kodit të tij burim: Software-i i Lirë e lejon dhe e përkrah kontrollin e pavarur dhe shqyrtimin publik të kodit burim nga cilido. Me këtë transparencë, deriçkat mund të zbulohen dhe hiqen nga programi.

Shumica e Software-it të Lirë gjendet në duart e një bashkësie që punon tok për të ndërtuar software të sigurt për këdo. Nëse doni të mbron veten nga survejimi, duhet t'i besoni vetëm Software-it të Lirë.

Ç'është Software-i i Lirë?

Software-i i Lirë mund të përdoret nga cilido, për çfarëdo qëllimi. Kjo përfshin kopjimin e lirë të tij, leximin e kodit burim dhe mundësinë për ta përmirësuar ose përshtatur për nevojat e secilit (të ashtuquajturat "katër liritë").

Edhe nëse "doni vetëm ta përdorni" programin, prapë përfiton nga këto liri. Ngaqë ato garantojnë që Software-i i Lirë mbetet përherë në duart e shoqërisë sonë dhe që zhvillimi i mëtejshëm i tij s'kontrollohet nga interesa kompanish private apo qeverish.

Mësoni më tepër rreth këtyre dhe se si Software-i i Lirë mund të na shpjerë në një Shoqëri të Lirë:

fsfe.org/freesoftware

Këshilla praktike

Teknologjia pas GnuPG-së ofron mbrojtje të klasit të parë. Udhëzimet e mëposhtme do t'ju ndihmojnë të siguroni që komunikimi juaj i fshehtëzuar të mos komprometohet për shkaqe të tjera:

Për të çfshehtëzuar email-et tuaj ju duhet kyçi juaj privat dhe **fjalëkalimi juaj**. Ky fjalëkalim duhet të jetë e pakta 8 shenja i gjatë dhe të përmbajë shifra, shenja speciale si dhe shkronja të mëdha dhe të vogla. Për më tepër, askush që ju njeh ndopak s'duhet të jetë gjendje ta zbulojë fjalëkalimin tuaj.

Bëjini kyçit tuaj privat një kopjeruajtje! Nëse disku juaj prishet, nuk lypset të krijoni një të ri dhe as nuk humbni të dhënat tuaja.

Fshehtëzoni sa më tepër që mundeni! Duke bërë kështu, ua bëni të vështirë të tjerëve të kuptojnë se kur dhe me kë shkëmbeni të dhëna me spec. Ndaj, sa më shpesh t'i fshehtëzoni mesazhet tuaja, më pak dyshime do të lindin për to.

Mbani parasysh që **subjekti i mesazhit transmetohet i pafshehtëzuar!**

Përkujdesore

Një përkujdesore të thjeshtë për vetëmbrojtje email-i me fshehtëzim GnuPG mund ta gjeni këtu:

EmailSelfDefense.FSF.org

Ose hapni sytë për ndonjë nga të ashtuquajturat "**Cryptoparties**" në zonën tuaj. Këto janë veprimtari në të cilat mund të takoheni me njerëz që do të ishin të lumtur t'ju ndihmonin, pa pagesë, të rregullonit dhe përdornit GnuPG-në, si dhe mjete të tjera fshehtëzimi.

2016-04-04



Kjo fletëpalosje është ripunim nga FSFE-ja i një materiali origjinal të FSF-së dhe Journalism++ (CC BY 4.0) që mund ta gjeni te: emailselfdefense.fsf.org

Rreth FSFE-së

Kjo fletëpalosje u krijua nga Free Software Foundation Europe (FSFE), një organizëm jofitimprurës, i përkushtuar promovimit të Software-it të Lirë dhe punës për ndërtimin e një shoqërie dixhitale të lirë.

Shkalla e lirisë sonë mbi software-in përcakton shkallën e pjesëmarrjes në shoqëri. Ndaj duke luftuar për liri dixhitale, FSFE-ja lufton për mundësi të barabarta dhe pjesëmarrje për këdo në epokën e informacionit.

Askush s'duhet të detyrohet të përdorë software që s'garanton lirinë e **përdorimit, studimit, ndarjes me të tjerët dhe përmirësimit të tij**. Na duhet e drejta t'i japim teknologjisë atë formë që përshtatet me nevojat tona.

Puna e FSFE-së ka nga pas një bashkësi njerëzish të përkushtuar këtyre qëllimeve. Nëse dëshironi të vini me ne dhe/ose të na ndihmoni të arrijmë këto synime, ka plot rrugë për të dhënë ndihmesë. Pavarësisht se nga ç'fushë vini. Më tepër rreth kësaj, dhe se si mund të na përkrahni në punën tonë, mund të mësoni te:

fsfe.org/contribute

Bëhuni anëtar mbështetës!

Që të mund të vazhdojmë punën tonë dhe të garantojmë pavarësinë tonë, dhurimet janë jetike për ne. Rruga më e mirë për të përkrahur punën tonë është të bëheni një anëtar që ndihmon financiarisht FSFE-në, "Anëtar Shok". Kështu na ndihmoni drejtpërsëdrejti të vazhdojmë betejën për Software-in e Lirë kurdo që të jetë e nevojshme.

fsfe.org/join

Këtë, dhe të tjera fletëpalosje, mund t'i porositni pa pagesë te:

fsfe.org/promo

Free Software Foundation Europe e.V.
Schönhauser Allee 6/7
10119 Berlin
Germany
<https://fsfe.org>

